

Libijska vojska najavila intervenciju

21 februar 2012 Izmijenjeno 07:32 CET

Vojska se kani umiješati u sukob suprotstavljenih plemena zbog nadzora nad teritorijem



Libijska vojska upozorila da će reagirati [Reuters]

Snage libijske vlade će intervenirati na jugoistoku zemlje ako se nastave sukobi između suprotstavljenih plemena zbog nadzora nad teritorijem, rekao je čelnik libijske vojske. Sukobi su izbili prije deset dana u gradu Al Kufra i traju od tada ukazujući na izazove upravljanja prostorom rijetko naseljene libijske pustinje. Plemena su rekla da su u sukobima ubijeni deseci ljudi.

Pripadnici plemena Zwai su se sukobili s borcima iz etničke skupine Tibu koju vodi Isa Abdel Madžidn kojega dužnosnici iz plemena Zwai optužuju da je napao Al Kufru uz podrškuplaćenika iz Čada. Tibu, međutim, tvrde da su oni ti koji su napadnuti.

Čelnik libijskih oružanih snaga Jusef al-Mangush je za agenciju Reuters rekao da je između dvije strane postignut sporazum no da su se u ponedjeljak dogodili novi "intenzivniji" sukobi. Al-Mangush e rekao da ima ranjenih, no nije naveo njihov broj. "Ministarstvo odbrane i vojska upozoravaju da će, ako se borbe ne zaustave, doći do odlučne vojne intervencije kao bi se sukobi okončali", rekao je.

Problemi datiraju iz prošlosti

On je rekao da su na tom području vojne snage ali da za sada nisu intervenirale. Al-Mangush je zaniijekao da na području ima stranaca i rekao da problemi između dva plemena potječu iz prošlosti te da je potrebna pomirba.

Nepoznata grupa, koja sebe naziva Nacionalni skup pripadnika plemena Tibu, saopćila je da je grad Kufra zona katastrofe, a pleme Tibu meta genocida. Pripadnik plemena Tibu Turki Tobawi izjavio je ranije za AFP da su pripadnici plemena Zwai okružili pripadnike njegovog plemena sa svih strana i da ih napadaju teškim naoružanjem. On je optužio libijsko Nacionalno prelazno vijeće (NPV) da podržava pleme Zwai tako što im šalje oružje i borce, što je potvrdio i izvor iz plemena Zwai.

Izvor: Al Jazeera